

特首盼與東盟簽貿協 積極投身「帶路」建設

香港文匯報訊(記者 鄭治祖) 行政長官林鄭月娥昨日在越南峴港繼續出席亞太區經濟合作組織相關會議，並與不同經濟體領導人會面。她在參加亞太經合組織與東南亞國家聯盟東盟領導人非正式對話時表示，在中央政府的支持下，香港將在「一帶一路」建設中扮演積極的角色，期望香港與東盟日內簽訂的《自由貿易協定》，可進一步加強雙方的經濟聯繫，促進貨物貿易、服務貿易和投資，並將區域合作帶到更高層次。

參加世界女性領袖圓桌會議

林鄭月娥昨日上午參加旨在加強亞太區女性領袖聯繫的亞太經合組織世界女性領袖圓桌會議，與會者包括智利總統米歇爾·巴切萊特及新西蘭總理傑辛達·阿德恩。她在會上與其他女性領袖分享管理經驗，以及推動女性獲得平等機會的工作。

下午，她出席了亞太經合組織工商領導人峰會其中一個環節，隨後和亞太經合組織商貿諮詢理事會成員對話，成員討論透過自由貿易和全球一體化深化區域經濟融合、如何充分利用互聯網和數碼經濟的優勢，和協助中小企業進入國際市場等議題。

與越總理泰總理雙邊會面


林鄭月娥其後參加亞太經合組織與東盟領導人非正式對話，又分別與越南總理阮春福、和泰國總理巴育舉行雙邊會面。

她感謝越南和泰國大力支持東盟與香港《自由貿易協定》的磋商。在與阮春福會面中，她期望越南政府能為香港企業到當地投資和香港人到當地旅遊等方面提供便利，加強兩地各方面的往來。

在與巴育會面時，林鄭月娥表示，為促進與泰國的聯繫，特區政



林鄭月娥(上圖左四)昨日上午在越南峴港與越南總理阮春福(上圖右五)會面，就雙方關注的議題交換意見。右圖為林鄭月娥與阮春福握手。



府計劃在當地增設在東盟的第三個(即新加坡和印尼以外)經濟貿易辦事處，期望泰國政府能提供便利，令該辦事處盡快投入運作，又希望與泰國政府透過定期高層對話

加強經貿合作，並推動兩地民間組織在創意產業方面的交流。她晚上還出席越南為各個經濟體的領導人舉行的歡迎晚宴，並欣賞文化表演節目。

網議政事

立法會議員在社會上有一定影響力，有必要謹言慎行。不過，近日有人抹黑元朗一間小食肆賣狗肉，民主黨立法會議員鄭俊宇就在未查明真相下叫人「廣傳」有關消息。雖然最終得還清白，惟已對小食肆造成打擊，近日有電視節目就播出該食肆老闆聲淚俱下的片段。不少人看過均感到憤慨，並狠批鄭俊宇事發至今仍未向老闆道歉，要求對方蒲頭，公開道歉，並賠償老闆的一切損失。

香港文匯報記者 羅旦

「本土行動」何來早前在fb多個不同「動保」及愛護動物群組的專頁，屈元朗小食肆「文樂美食小炒王」賣狗肉，鄭俊宇就幫手叫網民「廣傳」，又叫大家一齊搜證又話盛，搞到年紀老邁老闆「幹叔」備受滋擾，出示埋單據證明自己賣嘅係羊肉都繼續俾人鬧，仲要應付收到投訴嘅各政府部門做嘢。

知道自己衰咗後，鄭俊宇就刪原帖，再上載一篇搭晒食肆老闆頭頂文同相，話對方感謝佢還佢清白嘞，面皮真係成尺厚。

屈人賣狗肉 鄺神深潛拒道歉

店主泣訴備受滋擾 網民促「幫兇」蒲頭公開交代

鴿黨fb有人留言籲交代

不過，鄭俊宇一直有向對方道歉，更唔好講話公開道歉。可能佢以為網絡新聞嘅嘢，自己側側膊唔出聲當冇事就會真係冇事，但現實梗係唔係咁。唔少fb專頁都出帖狠批始作俑者何來、幫兇鄭俊宇屈完人一直唔肯道歉，連鄭俊宇自己以至各黨友、甚至民主黨fb其他帖都有人留言叫鄭俊宇出嚟交代。

無綫電視節目《東張西望》前晚播出「幹叔」的訪問，佢喺節目中聲淚俱下話俾人屈，話件事令佢十幾日無覺好瞓，成個人瘦晒，生意更加係一落千丈。睇完條片，係人都眼濕濕，但鄭俊宇無動於衷，繼續潛水。

就連寫開娛樂話題、成日鬧無綫嘅網絡紅人「瓊姐」都睇唔過眼轉發該段片狠批道：「有無搞錯？咁屈法都咁得？……未經求證，就作呢咁嚴重指控，仲要道歉都無句，呢啲真係無妄之災，越聽越悶！」成篇帖文有近4,800次分享，都咪話唔驚人。唔少網民都狠批鄭俊宇不負責任。

「YK Chun」狠批道：「鄭俊宇食屎狗就係幫兇，害完人仲要扮friend影相！」「Eliza Lam」也說：「姓鄭條打把(靶)係(喺)立法會有乜建樹？淨係識探貓，依(啲)家又扮愛狗人仕(士)老屈陳伯，仲遲遲唔道歉！」

有疑為鄭的支持者就試圖為他開脫責任。「Yeung To」話鄺嘅帖子有一口咬定小店賣狗肉，只係叫人「廣傳」；「其實佢(鄺)未廣傳前，原屈人條友(何來)已經叫人廣傳，你地(嗰)又唔去×佢，個(嗰)時仲要十萬幾人tag鄭俊宇，叫幫手，叫完就××佢，……今次叫入佢數，真係太×街！」

網民：為咗抽水叻唔切

不過，村民唔係咁諗。「Samson Chan」道：「原先屈人果(嗰)條友去廣傳係×街，但鄺生係立法會議員，超區有49萬票！佢叫人廣傳既(嘅)破壞力仲大啦！唔入佢數入邊個ar(呀)？立法會議員都咁on×，為左(咗)抽水叻唔切！梗係

要×佢×得大力d(啲)啦！……何來我都有×，不過我識佢老鼠？咁大力×隻老鼠做咩？鄺生就唔同呢？超區票王wor(嗎)？梗係大大力×隻票王啦！」

「Truman Chan」也說：「立法會議員叫人廣傳同我同人廣傳，個效果已經差好遠啦，咩叫『隻眼得廣傳兩隻字』？佢係有講過就係有架(噪)啦！」「Johnny Chong」揶揄道：「先去懷疑你強姦呀(阿)婆，然後話會去再作調查，跟手叫人廣傳分享懷疑你強姦呀(阿)婆，然後見唔對路就過去搵你搭晒膊頭影返張相話而(啲)家仲查緊，你話睇你正人君子，應該唔會強姦阿婆既(嘅)……呢鋪真係唔夠鄺議員玩！」

民記批「仲好意思護弱勢」

民建聯東區支部也轉發了《東張西望》的影片，發文批評鄺俊宇：「未經求證就公開老屈人，搞到老人家身心不得安寧，始作俑者至今道歉都無句，仲好意思話守護弱勢！……老屈街坊小店賣狗肉係咩玩法？」



食店老闆幹叔在節目上哭訴被抹黑，鄭俊宇繼續視而不見。



民建聯揶揄鄺俊宇宣傳時就猛話自己扶助弱小，至今仍未有一句道歉。

羅三七辣燬大班「D100」踢走「中箭」

特稿

「香港眾志」主席羅三七(羅冠聰)獲保釋等上訴後，一直支持「眾志」、仲整個節目界佢地開味嘅「D100」老闆鄭經翰(大班)，當時叫對方上佢節目，結果食咗檸檬不特止，仲要俾羅冠聰話係「自負老人」，咁咁咁咁人真係好小氣，最終近日決定cut咗「眾志」個節目，唔知三七算唔算係再一次「求仁得仁」呢？

「D100」嘅羅三七未當選立法會議員之前，就搞咗個節目叫《眾志同學會》，等「眾志」班人，特別係羅三七同當時擺明日後想參選嘅河童(黃之鋒)做節目宣傳自己。不過，三七同河童近期獲准保釋翌日，就貫徹「佔領」期間嘅「大台主義」，只係接受咗港台商台嘅訪問。鄭經翰聞咗幾句，就俾三七公開係話佢係「自負老人」嘞，真係係何以堪。

近日，一直呻窮嘅「D100」宣稱由於要有效運用

資源，周一開始調動節目，包括cut咗《眾志同學會》，有聽眾感到驚訝，喺「D100」fb留言追問。

「Chan Lai」稱自己每年都界二千元支持「眾志」個節目，現在「好失望」，仲話：「由羅冠聰選舉開始，大班(鄭經翰)係唔鍾意『香港眾志』，口口聲聲未讀完書可以搵十萬蚊，因為唔應承攬一半人工出嚟(鄭經翰在立法會選舉期間『說服』劉小麗應承攬立法會議員後捐一半人工，並在選舉期間大肆宣傳，當然最後有人『走數』係另一回事)。」

大班粉：唔知恩圖報抵cut啦

老實講，所謂跪地餵豬，如果你個節目真係吸咗多金嘅，鄭經翰點會踢你走呢？唔少鄭經翰支持者都鬧爆「眾志」。「Zacky Leung」就話：「佢地係咪真係珍惜D100呢個平台先。唯一我見到珍惜嘅係林淳軒(剛被踢走的『眾志』前常



識知恩圖報，抵cut啦！」

「Chow Wing Siu Johnson」就說：「PBS台根本就流血不止，一大堆主持及嘉賓(都唔知乜水)，其實都唔知有冇人聽。不過，我覺得最hurt係『自負老人』，同食碗面反碗底有得揮。」

香港文匯報記者 羅旦

隊周庭補選 網民寸「中箭」鬥廢



周庭被指與游蕙禎友好，令傳統反對派支持者表明不會支持。

香港文匯報訊(記者 羅旦)「香港眾志」終於定出參加立法會補選的人選？多間傳媒引述消息指，「眾志」日前通過由常委周庭，參加明年3月舉行的港島區補選。不過，反對派支持者對這消息的反應似乎麻麻，質疑她表現欠奉，更直指「眾志」在主席羅冠聰當選立法會議員後，一眾人等表現功利、自負，周庭只會是他們的「最後選擇」，有人更質疑她與「青年新政」中的游蕙禎等「獨派」中人「老友鬼鬼」，難得到他們的信心一票。

在羅冠聰被DQ後，傳統反對派聲稱「眾志」也視該議席為「家天下」，竟擬派羅冠聰的女友、知名度極低的袁嘉

蔚出選。不過，多家傳媒昨日報道，「眾志」最少有3人有意參加補選，經黨內甄選，最終定由周庭出戰，最終仍有待全體成員大會討論及表決。不少傳統反對派對周庭出選反應欠佳。「Checky Lau」直言：「睇唔起眾志，為選而選。周庭有咩政績要投佢……選個廢既(嘅)入去有意思咩？」

「Lok Wong」揶揄道：「非建制支持者又要含住(淚)嚟投。」

「Hoi Ting Cho」就指：「你先話比(男)大家(聽)你點樣有能力做一個立法會議員先出泥(嚟)選。我唔係從政既(嘅)，唔洗(使)同你講咩政治倫理，我剩係要知點解你適合(其他人)都係)，如果唔係既(嘅)，只會走多

一個羅冠聰出泥(嚟)。」

批「中箭」自負拒交流

「Hugo Leung」更狠批道：「周庭同政治毒癮游蕙禎friend，我係唔會選一個同偽獨關係曖昧不清嘅人做我的代議士。……班眾志去年入到議會後，當自己係星咁，唔跟泛民交流，唔去飯盒會。特首選舉漠視民意投白票打散民氣。6月沙中線追加撥款時又缺席投反對票。我唔會再選呢班自視甚高嘅人做議員。」

「鄧文劍」也道：「對呢班自負青年最近嘅功利行為表現，有點失信心。要投票，會是非建制派中的最後選項。」

「Tsang Mu」則提到「眾志」原常委林淳軒「違反黨內財政處理程序」一事：「自己個組織都搞到亂七八糟，(有人涉嫌)穿自己櫃桶底唔夠，仲要穿埋香港人嘅櫃桶底？點信你呀！」

改議事規則納大會議程

香港文匯報訊(記者 鄭治祖)就修改立法會議事規則事宜，建制派及反對派均未能達成任何共識。根據立法會議員昨日傍晚收到的文件顯示，立法會主席已批准兩陣營提出的擬議決議案，最快會被列入12月6日立法會會議的議程內。惟函件並無說明會先處理建制派所提出的數十項修訂，還是反對派提出的39項修訂。

立法會主席梁君彥昨日回覆建制派和反對派議員，指各黨派提出的修訂已在本周一的議事規則委員會會議上處理。

委員會主席謝偉俊將在下周五(17日)向內務委員會提交報告，屆時內會可就有關擬議決議案提出意見。函件續指，當內務委員會

完成處理有關擬議決議案後，倘議員於本月21日前根據《議事規則》第二十九(1)條作出預告，經主席批准，有關擬議決議案最快可列入12月6日立法會會議的議程內。

另外，建制派與反對派就修改議事規則成立的8人小組已確定人選。

據悉，反對派將派出民主黨主席胡志偉或議員涂謹申，和「民主派會議」召集人莫乃光、「自決派」朱凱迪、公民黨法律界議員郭榮鏗，建制派則派出建制派「班長」廖長江、身兼「副班長」的民建聯陳克勤，自由黨主席張宇人及經民聯副主席盧偉國。民建聯主席李慧琼就會以內務委員會主席身份出席會議。

譚惠珠不競逐連任港區人代

香港文匯報訊(記者 鄭治祖)新一屆港區全國人大代表選舉於下月進行換屆選舉，港區全國人大代表團團長譚惠珠昨日在電台節目中重申，不會競逐連任，在評論自己過往20年的人大工作時就笑言自己「稱職、無偷懶」。

現年72歲的譚惠珠在昨日接受電台訪問時表示，她希望可以今年全面退休，而「可以多啲時間聽節目，而唔係講節目。」評價自己過去20年的工作表現，她笑言「稱職、無偷懶」，而提出的建議有些獲接受，亦有些不獲接受。

譚惠珠2013年起接替袁武出任港區全國人大代表團團長，她指今屆港區全國人大代表團的合作性及積極性不俗，「一定不比上一屆差，可能比上一屆更好。」她有信心「團內接棒完全無問題」。